

Program Komuniti AmBank-MyKasih dilancar

KUALA LUMPUR, Selasa – Kumpulan AmBank baru-baru ini, melancarkan Program Komuniti AmBank-MyKasih buat kali pertama di Johor, memperuntukkan RM104,000 setahun yang akan memberi manfaat kepada seramai 100 keluarga.

Pengerusi Kumpulan AmBank, Tan Sri Azman Hashim berkata, AmBank memperuntukkan sejumlah RM1 juta setiap tahun untuk program ini dan sehingga kini, Kumpulan AmBank telah memberi komitmen untuk menyokong 15 lokasi dan 2,291 keluarga.

Lokasi yang disokong adalah Sentul dan Cheras, Kuala Lumpur, Rifle Range dan Bayan Baru, Pulau Pinang, Pandan Jaya, Klang, dan USJ, Selangor; Tambun, Perak, Ayer Keroh, Melaka, Kuala Krai dan Kota Bharu, Kelantan, Kuala Terengganu, Terengganu, Menggatal dan Sandakan, Sabah, dan Kuching, Sarawak.

“Projek seperti ini membantu untuk mencapai objektif kami untuk memainkan per-

anan yang berkesan sebagai warga korporat yang bertanggungjawab. Kumpulan AmBank sangat gembira untuk diberi peluang sebegini untuk menyertai dalam projek komuniti yang menyedari keperluan sebenar, mempunyai nilai sebenar yang pada masa yang sama memberikan manfaat yang berkekalan,” katanya yang ditemani oleh Pemegang Amanah, Yayasan MyKasih, Dato' Yaacob Amin.

“Apabila kami melihat sumbangan untuk golongan kurang berkemampuan dan golongan miskin tegar, kami akan memastikan sumbangan itu sampai kepada penerima yang berhak dan mereka menikmati faedah yang jelas dan nyata.

“Sumbangan ini akhirnya akan terus sampai kepada ahli keluarga bukan dalam bentuk tunai tetapi dalam bentuk barang-barang yang mereka beli daripada peruncit terpilih. Kumpulan AmBank telah memberi komitmen sebanyak RM208,000 bagi menyokong 100 keluarga ini selama dua

tahun di Masai,” jelas Tan Sri Azman.

Penerima bantuan makanan ini akan menggunakan MyKad mereka yang telah didaftarkan untuk berbelanja sebanyak RM40 sebulan di peruncit-peruncit terpilih.

Manakala bagi pelajar yang menerima bantuan dari MyKasih, mereka akan menggunakan MyKad mereka untuk membeli makanan di kantin, kedai buku dan kedai alat-alat tulis di sekolah.

Projek ini memberikan Kumpulan AmBank peluang untuk menyertai program komuniti yang berkekalan di mana akan sampai kepada golongan yang memerlukan. Penerima-penerima akan menjadi penerima manfaat utama tanpa apa-apa perantara.

MyKasih adalah bergantung sepenuhnya kepada derma daripada orang awam dan badan-badan korporat yang cukainya dikecualikan untuk membantu membiayai program bantuan makanan bagi golongan yang kurang bema-

sib baik.

Program Komuniti AmBank-MyKasih telah menjadi kejayaan dan peserta-peserta berbesar hati mendapat peluang untuk membuat keputusan membeli secara mutlak.

Dengan pelancaran di Rifle Range dan Bayan Baru, Pulau Pinang, Ayer Keroh, Melaka; Kuching, Sarawak; Kota Bharu, Kelantan; Tambun, Perak; Kota Kinabalu dan Sandakan, Sabah; Subang Jaya, Selangor dan Lembah Klang sebelum ini, dan hari ini di Masai, Johor dianggarkan lebih daripada 2,200 isi rumah telah mendapat manfaat dari program ini.

Kumpulan AmBank bekerjasama dengan Yayasan MyKasih buat kali pertama pada November 2009, di mana mereka telah menaja 100 keluarga berpendapatan rendah di Sentul, Kuala Lumpur. Kejayaan dan kecekapan sistem subsidi makanan MyKasih telah memberi inspirasi kepada Kumpulan AmBank untuk terus menyokong MyKasih.



PRIHATIN ... Tan Sri Azman Hashim menyampaikan sumbangan kepada salah seorang penerima di Pasar raya Maydin, Kuala Lumpur sambil diperhatikan oleh Datuk Yaacob Md Amin (kanan) di Johor, baru-baru ini.